



Интерресорна радна група

Interresorna radna grupa/skupina

Broj: 01,02-50-16-168/22
Sarajevo, 12. 7. 2022.

Parlamentarna skupština BiH

PREDSTAVNIČKI DOM
n/r predsjedavajućeg

DOM NARODA
n/r predsjedavajućeg

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO: 13.07.2022

Organizaciona jedinica	Klasifikacioni oznaka	Broj	Priloga
		01,02-50-16-168/22	

B

Predmet: Informacija o radu Interresorne radne grupe za izmjenu izbornog zakonodavstva Bosne i Hercegovine, dostavlja se

U prilogu ovog akta, kojem je prethodila saglasnost prvog i drugog zamjenika predsjedavajuće Interresorne radne grupe za izmjenu izbornog zakonodavstva Bosne i Hercegovine, dostavljam vam Informaciju o radu Interresorne radne grupe.

Prilog: kao u tekstu.

S poštovanjem,

Predsjedavajuća
Interresorne radne grupe

Alma Čolo

Трг БиХ 1, 71000 Сарајево/ Trg BiH 1, 71000 Sarajevo; тел./tel. +387 (0) 33 28 44 11

e-mail: mirjana.kutanjac@parlament.ba, alma.salkic@parlament.ba,
aida.kreho@parlament.ba, ivana.seremet@parlament.ba

Informacija o radu Interresorne radne grupe za izmjenu izbornog zakonodavstva Bosne i Hercegovine

Predsjedavajuća Interresorne radne grupe za izmjenu izbornog zakonodavstva BiH (u daljnjem tekstu: Interresorna radna grupa) i njena dva zamjenika odlučili su da se Predstavničkom domu i Domu naroda Parlamentarne skupštine BiH dostavi Informacija o radu Interresorne radne grupe, imajući u vidu da, nakon dva pokušaja sazivanja 9. sjednice (10.11. 2021. i 5. 4. 2022), očigledno ne postoje okolnosti za održavanje 9. sjednice, na kojoj bi Interresorna radna grupa usvojila Izvještaj o radu, u skladu s odredbom člana 27. Poslovnika Interresorne radne grupe.

Podsjećanja radi, Parlamentarna skupština BiH je na 17. sjednici Doma naroda, održanoj 27. 4. 2021, i na 19. sjednici Predstavničkog doma, održanoj 28. 4. 2021, donijela Zaključak o formiranju Interresorne radne grupe sa zadatkom da pripremi izmjenu izbornog zakonodavstva BiH, te da ga posredstvom ovlaštenog predlagača uputi domovima u parlamentarnu proceduru.

Za članove Interresorne radne grupe imenovani su po jedan predstavnik svakog kluba poslanika u Predstavničkom domu, po jedan predstavnik svakog kluba naroda u Domu naroda i tri predstavnika Vijeća ministara BiH.

U skladu s navedenim, **iz Predstavničkog doma** imenovani su: Alma Čolo, Klub poslanika SDA, Borjana Krišto, Klub poslanika HDZBiH, HSS, HKDU BiH, HSP-HNS, HSP dr. A. STARČEVIĆ BiH, HDUBiH, Saša Magazinović, Klub poslanika SDPBiH, Dženan Donlagić, Klub poslanika DF-a, Snježana Novaković-Bursać, Klub poslanika SNSD, Branislav Borenović, Klub poslanika SDS-a, PDP-a i DNS-a, Damir Arnaut, Klub poslanika Naša stranka-Nezavisni blok, i Nenad Stevandić, Klub poslanika Srpski klub.

Iz Doma naroda imenovani su: Munib Jusufović, Klub bošnjačkog naroda, Bariša Čolak, Klub hrvatskog naroda, i Sredoje Nović, Klub srpskog naroda.

Iz Vijeća ministara BiH imenovani su: Staša Košarac, ministar vanjske trgovine i ekonomskih odnosa BiH, Dževad Mahmutović, zamjenik ministra za ljudska prava i izbjeglice BiH, i Josip Brkić, zamjenik ministra vanjskih poslova BiH (Odlukom o izmjeni Odluke o imenovanju predstavnika Vijeća ministara BiH u Interresornu radnu grupu za izmjenu izbornog zakonodavstva BiH umjesto Vjekoslava Bevande imenovan je Josip Brkić („Službeni glasnik BiH“, broj 30/21)).

Predmetnim zaključkom utvrđeno je i da stručne i administrativno-tehničke poslove za Interresornu radnu grupu obavlja Sekretarijat Parlamentarne skupštine BiH.

S tim u vezi, Kolegij Sekretarijata je aktom broj 03-50-13-25-21,4/21 od 6. 5. 2021. imenovao Mirjanu Kutanjac, rukovoditeljicu Zakonodavno-pravnog sektora, Almu Salkić-Mijić, stručnu savjetnicu za zakonodavnopravna pitanja i pravo EU u Zakonodavno-pravnom sektoru, Aidu Kreho, sekretarku Zajedničke komisije za ljudska prava, i Ivanu Šeremet, stručnu saradnicu u Ustavnoj komisiji Doma naroda, za obavljanje stručnih i administrativno-tehničkih poslova.

Na konstituirajućoj sjednici Interresorne radne grupe, održanoj 11. 5. 2021, koju su sazvali Borjana Krišto, predsjedavajuća Predstavničkog doma, i Bakir Izetbegović, predsjedavajući Doma naroda Parlamentarne skupštine BiH, članovi Interresorne radne grupe izabrali su Almu Čolo za predsjedavajuću Interresorne radne grupe, te Barišu Čolaka za prvog, odnosno Sredoja Novića za drugog zamjenika predsjedavajuće.

Interresorna radna grupa održala je ukupno osam od devet zakazanih sjednica (9. sjednica, zakazana za 10.11. 2021. i 5. 4. 2022, nije održana zbog nedostatka kvoruma za rad Interresorne radne grupe), kako slijedi:

Sjednica	Datum održavanja
1. sjednica	11. 5. 2021.
2. sjednica	19. 5. 2021.
3. sjednica	26. 5. 2021.
4. sjednica	2. 6. 2021.
5. sjednica	9. 6. 2021.
6. sjednica	30. 6. i 5. 7. 2021.
7. sjednica	12. i 13. 7. 2021.
8. sjednica	23. 7. 2021.

Sjednice Interresorne radne grupe bile su otvorene za javnost, a članovi Interresorne radne grupe dali su i više izjava i intervjuova u medijima. Također, sjednicama Interresorne radne grupe prisustvovali su ovlašteni predstavnici OHR-a, Misije OSCE-a u BiH, Koalicije „Pod lupom“, EUSR-a, Ambasade Sjedinjenih Američkih Država i predstavnici Delegacije EU u BiH.

U svom višemjesečnom radu članovi Interresorne radne grupe razmatrali su veliki broj prijedloga/preporuka za izmjene i dopune Izbornog zakona BiH.

Prijedlozi/preporuke za izmjene/dopune Izbornog zakona Bosne i Hercegovine

Podnosilac	Naziv
Alma Čolo i Dževad Mahmutović	Zajednički prijedlog za izmjene i dopune pojedinih članova Izbornog zakona BiH
Borjana Krišto, Bariša Čolak i Josip Brkić	Zajednički prijedlog za izmjene i dopune pojedinih članova Izbornog zakona BiH
Dženan Đonlagić	Prijedlog za izmjene i dopune pojedinih članova Izbornog zakona BiH s pratećim amandmanima na Ustav BiH
Dževad Mahmutović	Nacrt inicijative Centralne izborne komisije BiH za donošenje Zakona o izmjenama i dopunama Izbornog zakona BiH (navedenu inicijativu CIK-a preuzeo je Dževad Mahmutović u skladu s članom 16. Poslovnika Interresorne radne grupe)
Dženan Đonlagić	Inicijativa delegata Zlatka Miletića za izmjene i dopune Poglavlja 1. Izbornog zakona BiH (navedenu inicijativu Zlatka Miletića preuzeo je Dženan Đonlagić u skladu s članom 16. Poslovnika Interresorne radne grupe)
Saša Magazinović	Prijedlog za izmjene i dopune pojedinih članova Izbornog zakona BiH
Ured za demokratske institucije i ljudska prava (OSCE/ODIHR)	Preporuke za izmjene/dopune Izbornog zakona BiH
Koalicija "Pod lupom"	Preporuke za izmjene/dopune Izbornog zakona BiH
Transparency International BiH	Preporuke za izmjene/dopune Izbornog zakona BiH

Interresorna radna grupa donijela je i dva zaključka koji glase:

1. „Predlaže se rukovodstvu oba doma Parlamentarne skupštine BiH i predsjedavajućim radnih tijela Parlamentarne skupštine BiH da ne zakazuju sjednice srijedom budući da je to dan u sedmici kada će biti održavane sjednice Interresorne radne grupe za izmjenu izbornog zakonodavstva BiH, u vremenu od 11 do 16 sati.“
2. „Traži se od oba doma Parlamentarne skupštine BiH i Vijeća ministara BiH da odrede zamjenske članove za svakog imenovanog člana Interresorne radne grupe.“

Članovi Interresorne radne grupe održali su i niz sastanaka sa:

- zamjenikom pomoćnika američkog državnog sekretara u Uredu za Evropu i Evro-Aziju Matthewom Palmerom i direktoricom za Zapadnu Evropu, Zapadni Balkan, Tursku i Ujedinjeno Kraljevstvo u Evropskoj službi za vanjske poslove (EEAS) Angelinom Eichhorst;
- direktorom Direkcije za ljudska prava Vijeća Evrope Christopheom Poirelom;
- generalnom sekretarkom OSCE-a Helgom Mariom Schmid;
- predsjedavajućim Delegacije Evropskog parlamenta za odnose s Bosnom i Hercegovinom i Kosovom (D-SEE) Romeom Franzom i članom Delegacije poslanikom u Evropskom parlamentu Thomasom Waitzom;
- direktorom OSCE-ovog Ureda za demokratske institucije i ljudska prava (ODIHR) Matteom Meccacijem;
- potpredsjednikom Parlamentarne skupštine OSCE-a i specijalnim predstavnikom za jugoistočnu Evropu Azayem Guliyevim;
- visokim komesarom za nacionalne manjine OSCE-a Kairatom Abdrakhmanovim.

Predsjedavajuća Interresorne radne grupe i njena dva zamjenika postigli su saglasnost da, umjesto Izvještaja o radu Interresorne radne grupe, Predstavničkom domu i Domu naroda Parlamentarne skupštine BiH upute ovu informaciju, s prijedlogom da je prihvate i donesu zaključak o prestanku rada Interresorne radne grupe, imajući u vidu da očigledno ne postoji spremnost da Interresorna radna grupa, u skladu s Odlukom Parlamentarne skupštine BiH i Poslovníkom, okonča svoj rad.

